

清·方略館 編

清代 方略 全書

北京圖書館出版社



清代方略全書

一六二

清·方略館編

北京圖書館出版社

清·奕訢等撰

欽定剿平捻匪方略

卷二二二——二三一

清同治十一年（一八七二）鉛印本

欽定剿平捻匪方略卷二百二十二

甲子年



十月初一日

戊辰

僧格林沁奏言自我軍進紮新

店地方探得逆匪在新店正南雙山門等處盤踞八月二十六日陳國瑞等進剿獲勝該匪向東南遁竄當飭成保陳國瑞帶領馬步移紮麻城相機剿辦臣督帶馬步移紮麻城正北白雀園地方爲後路聲援旋探該逆已竄至蘄水羅

田等處盤旋有與東竄股匪勾結之勢遂飭成
保陳國瑞張曜等軍於九月初六日移紮商城
正南松子關長嶺關一帶以杜該逆回竄豫疆
臣督帶馬步進紮商城以防北路據探捻匪張
總愚復率衆回竄松子關以南木子店成保等
於初八日帶領兵勇前進乘夜襲取賊營該逆
向南敗竄我軍越嶺追剿斃賊數十名賊向麻

城之白杲奔竄似欲西遁成保等各帶所部自木子店拔營折赴麻城遏賊北竄張曜一軍仍紮長嶺關以顧豫東邊防臣督帶馬隊於十三日由商拔營兼程西進十四日至麻城與成保等軍會合探得該逆在新洲集一帶盤踞遂令成保等軍進紮宋埠十五日臣督令成保等軍進剿該逆因西面有楚軍防守未敢竄突復折

而東趨先是常星阿姜玉順藍斯明等於十四
日督隊追勦小有斬擒該逆已向東南上巴河
蘄水奔竄意欲東趨與下游髮捻大股勾結已
飭常星阿藍斯明等拔隊尾追與成大吉等會
合勦辦復令成保陳國瑞等帶領步隊扼紮羅
田與楚皖官軍聯絡聲勢遏賊西北竄路臣督
帶馬隊馳抵麻城正南查看此路地勢稍平卽

於黃岡之新集地方紮營以固北路而資策應
並咨會督臣官文就近督飭常星阿藍斯明姜
玉順成大吉等軍認真追剿楚皖兵力旣厚步
隊亦易爲功曾國藩所撥官兵雖未知現紮何
處諒官文曾國藩必能令楚皖各軍扼守要隘
以杜該逆西竄查楚豫皖之交重山複水若用
馬隊實非所宜儻偏賊出險竄近平原臣再分

撥馬隊實力追剿然亦不敢擁兵坐視仍與官
文等頻通信息但有可乘之機得宜之地卽合
力助剿以期迅滅賊氛至國瑞抵營以來病雖
漸痊氣體未復且時疫過重官兵亦多瘡疾臣
令國瑞暫駐底營籌備軍糧調治病兵俟就痊
後再行督帶來營是以未經列銜
同日官文奏言蘄水羅田英山之賊乘虛向西

東北狂奔經僧格林沁之軍擊於木子店旋竄白
土命果又經姜玉順等軍追擊屢勝遂全趨蘄水與
下游大股髮捻逆匪勾合僧格林沁已督帶馬
隊紮營上巴河並先派成保等軍扼紮羅田一
帶是西路上游及我軍後路可保無虞姜玉順
蕭河清藍斯明溫德勒克西常星阿舒倫保等
軍即可銳意東行會合成大吉等軍內外夾擊

約期大舉現值秋深水涸臣並飭李濟清等水
師各營佐以李明惠等步隊上自辛家衝下至
龍坪等處內湖外江嚴扼賊匪搶渡臣拜摺後
卽馳赴上巴河與僧格林沁面商進剿機宜均
奏入

上命議政王軍機大臣傳諭僧格林沁官文曰逆匪
東竄上巴河蘄水一帶與下游大股髮捻勾合楚

北西路可保無虞而下游倍形喫重皖楚之交山
重水複馬隊萬難施展著官文卽飭姜玉順蕭河
清等軍銳意東行會合成大吉之軍內外夾擊務
將此股賊匪就地殲除毋任再行西竄其劉連捷
一軍並著官文飛檄催提飭令自東而西與鄂軍
兩面兜圍大彰撻伐成保陳國瑞扼紮羅田遏賊
西北竄路李濟清等水師嚴扼辛家衝一帶以防

槍渡卽著僧格林沁官文分飭各軍嚴密堵禦以
備抄擊僧格林沁現已移營黃岡之上巴河擬俟
賊蹤竄近平原督率馬隊追擊該大臣惟當穩慎
進取毋少疏虞

同日喬松年奏言逆匪竄踞楚境麻羅蘄廣處
重處喫緊皖軍稍可騰出兵力自應分撥出境會
剿除蔣凝學一軍業經調赴蘄水外臣已飛飭

劉連捷督率所部卽日拔隊前往蘄羅會合剿辦至潛山太湖宿松一帶距賊甚近本尙空虛所有朱洪章朱南桂兩軍應令扼守太湖兼顧潛宿其李榕王可陞兩軍卽進紮潛山以爲朱洪章等後路並防黃梅廣濟竄賊英霍等處仍責成英翰郭寶昌張得勝何紹彩等軍防守奏

入報

聞

八

初六日癸酉曾國藩奏言湖北髮捻大股賊匪由

麻城羅田東竄經六安守將蔣凝學率隊擊敗
賊乃轉趨英山與蘄水另股竄匪會合圍偏城
壘蔣凝學屢戰獲勝先後俘斬解散以數千計
賊於九月初閒退竄楚境適英翰郭寶昌擊敗
霍山之賊由六安以達英山蔣凝學奉湖廣督

臣之檄亦卽由英山赴援羅田而賊之徧擾蘄
水蘄州廣濟黃梅者正入太湖西境聞劉連捷
朱南桂等軍已抵太湖遂悉數退竄鄂疆現賊
勢趨重蘄水廣濟等縣皖北目前肅清未可深
恃臣已添調各軍扼堵太湖潛山宿松英霍等
處以防回竄奏入

上命議政王軍機大臣傳諭曾國藩曰英霍之賊退

竄鄂疆徧擾蘄水蘄州等處皖北雖暫就肅清未能恃以無恐現在湖北軍情喫緊著曾國藩懷遵疊次諭旨飭劉連捷迅卽赴援湖北其皖楚交界地方仍責令朱南桂等嚴密防守勿任回竄

同日張之萬毛昶熙奏言豫軍追勦捻股獲勝該匪由白杲東竄上巴河飭現前敵各軍隨同僧格林沁探蹤迎勦並飛飭張曜督率所部扼